



De Pompjeesmusée, wéi



Gënzefest 2024

Och dëst Joer hunn di Responsabel fir de Pompjeesmusée vum Lëtzebuerger Pompjeesverband erëm vill Aktivitéit bewisen. Nodeems der Équipe jo di Hal zu Heischent vun der Gemeng Esch/Sauer gekënnegt kruten ass sämtlecht Material vum Musée, wéi z. B. de Sprinter, den Opel Blitz, een TSA asw. wéi och ee ganze Stock vun Uniformen aus dem In- an Ausland esou wéi vill Helmer an nach aner Geschir an eng Hal op Hengescht geplënnert ginn.

Déi Hal huet d'Équipe aus dem Pompjeesmusée op hier eege Käschtchen (Gott sei Dank war iwwer e puer Joer eng Reserve ugeluecht ginn) fir ee Joer selwer gelount fir dass et net zu enger Katastroph komm wier. De President vum Pompjeesverband hat an enger Réunion den 5. Dezember 2023 ons matgedeelt: "Mir hu kee Geld, mir hu keng Hal a mir kënnen lech net hëllefen." Nun, alt erëm war ons Équipe op sech eleng gestallt fir, dass et

Museumdays 2024



ëmmer präsent



Visitt vum Kulturminister
Eric Thill

mam Pompjeesmusée virugeet.
Den 20. Abrëll krute mir d'Féiss ënnert dem Buedem wechgezunn wéi mir de Message kruten, dass onse Mataarbechter a Frënd, den Louis Mazzone am Alter vun 62 Joer aus onser Mëtt gerappt gouf.
De 5. Mee 2024 war dann och den Här Kulturminister Eric Thill am Pompjeesmusée op Visite. Hei si vill Detailer an Ureegungen beschwat ginn an den Här Thill huet ee

Gënzefest 2024



Visitt vum Inneminister Léon Gloden



grousse Merci fir di geleeschten Aarbecht un di fräiwëlleg Leit déi d'Gérance vum Musée hunn, ausgesprach.

Den 18. an 19. Mee 2024 hu mir och nees un de Nationalen Muséesdeeg deelgeholl. Niewent onsem Material hu mir och de restauréierten LF Bedford vun de Pompjeeën vun Ëlwen hei presentéiert. Fir lessen an Drénken war natierlech och gesuergt.

Den 20. Mee 2024 (Péngschtmeíndeg) huet dee Pompjeesmusée mat hirem Fierpark a mat de Kolleegeen vun Ëlwen dann och de Cortège vum Gënzefest zu Wooltz als Nr. 1 ugefouert. Eng gutt Reklamm fir onse Musée a wichteg, dass mir present waren.

Den 23. Mee 2024 ware mir dunn um Rallye vun der Schoul vu Wooltz bedeelegt. Hei konnten 175 Kanner dee Moien, a Form vun engem Spill, Exponaten mat Hëllef vu Fotoen am Pompjeesmusée entdecken. Eng flott Aktivitéit.

De 7. Juni 2024 hate mir dunn di grouss Eier den Här Inneminister Léon Gloden mam Här Alain Becker aus dem Inneministère an dem Colonel Steve Mack vum CGDIS am Pompjeesmusée ze empfänken. No enger Féierung duerch d'Ausstellung waren di finanziell Suerge fir Weiderféierung vum Pompjeesmusée ee groussen Thema. Ee ganz interessanten Nomëtteg mat gudden Gespréicher. Loosse mir hoffen, dass alles an dreschen Dicher kënnt.